

(Bahagian Perancangan Dan Komunikasi Korporat)

Surat khabar: Utusan Borneo (Berita Iban)
Hari/Tarikh: 26/2/2016
Muka surat: 9

Tajuk : Hab pengerai diperambu deka digaga besemak enggau Pusat Jantung S'wak

Hab pengerai diperambu deka digaga besemak enggau Pusat Jantung S'wak

KUCHING: Urung dua ribu ekar tanah Perintah Negeri (besepiak enggau Pusat Jantung) di Kota Samarahan dipelaba manah endur ngaga Hab Pengerai.

Pakar tungkul ati ti mega chairman Kenyalang Medical Foundation (KMF), Senator Datuk Dr Sim Hui Kian madah kenyau ari taun 2007 suba, perintah endang udah bisi perambu deka ngaga palan endur bejalaika pansik klinikal di Sepital Besai Sarawak (HUS) tang perambu nya lalu agi tejanggal.

Nangkan nya ku iya, perintah lalu mindahka Pusat Jantung Sarawak ngagai Kota Samarahan.

"Enggau pemisitanah dalam pemesai 2,000 ekar besepiak enggau Pusat Jantung ke diaitu, dikearap perambu perintah deka muka palan Hab Pengerai mujur.

"Laban tanah nya



DR SIM HUI KIAN

antara Pusat Jantung enggau UNIMAS, palan pelajar nya ila tau nyadi Hab Pelajar, ulih alai nembiak kengambi 'Faculty of Medical and Health Sciences' (FHMS) belatih praktikal tauka gawa mantu Pusat Jantung ditu," ku Sim.

Iya madah munyi nya lebuh bejaku ba atur pengawa Nyain MoU antara UNIMAS enggau KMF ke

meri skolarship ngagai nembiak FHMS ke pemadu nyulut belabuh ari taun tu, di UNIMAS ditu, ensanus.

"Anang ngumbai nembiak FHMS kitai di UNIMAS enda manah. Nemu kita, nembiak ari fakulti tu ke udah mayuh mujur gawa di HUS nyengkaum di United Kingdom. Tu produk ari Borneo," ku iya.

Sim mega madahka diri deka bejuraika pekaranya ba Parlimen, lalu madah ngagai Opis Pengerai pasal pemesai guna muka hab nya ti disikap enggau perengka guna ke moden ke deka pulaika pemaik ngagai mensia mayuh di Kuching.

"Kami mega merambu deka numbuuhka Palan Sakit Riman (Cancer Centre), ukai semina Pusat Jantung aja ke bisi ditu. UNIMAS ulih mantu kami ari sukut orang gawa tauka ngaga pansik ke kami.